



■ AZAM HAJI ABBAS...mahu buktikan

KEJUARAAN SILAT DUNIA—

Azam berazam rangkul pingat

27 OCT 1987

PEMENANG pingat gangsa Kelas H Sukan SEA Jakarta, Azam Haji Abas, bertambah yakin dapat mengubah kutipan pingat lebih baik dalam Kejuaraan Silat Dunia di Kuala Lumpur pada 2-9 Disember ini, lapor **MOHD RAHIME YUSOFF**. *PINAK SILAT*

"Kelemahan mental ketika di Jakarta sudah dapat diatasi dan bertambah yakin untuk kejohanan antarabangsa kali ini," katanya.

Beliau menganggap tekanan psikologi yang mengganggu penumpuan ketika berdepan dengan pesilat Indonesia peringkat separuh akhir sukan itu selepas mengetahui dia adalah yang terbaik dalam kejohanan dunia lalu.

"Saya gementar apabila mengetahui perkara itu. Keadaan itu membuatkan setiap gerakan menjadi sumbang dan tewas dalam kegugupan," terangnya.

B. Harian (M)
Kerani Sekolah Kebangsaan Kebakat, Tumpat itu berkata: "Saya dapat menjadikan pengalaman pertama bertanding peringkat antarabangsa itu untuk membaiki kelemahan terutama mental."

Azam, 26, menjalani latihan tiga kali seminggu di gelanggang silat Teriak Empat Kota Bharu menambah bahawa bimbingan gurunya, Mohd Noor Mahmud sebagai persiapan awal menjelang kejohanan dunia itu.

Katanya, dorongan daripada guru dan rakan-rakan menggerakkan lagi semangat untuk meraih kejayaan lebih besar nanti.

"Saya tidak mahu lagi mengenali erti kegagalan dalam kejohanan besar ini walaupun mengetahui setiap pesilat yang terbabit semuanya idamkan Pingat Emas," ujar pembantu jurulatih silat Teriak Empat.

Beliau sudah lima tahun mendalami ilmu bela diri itu dipilih mewakili negara selepas menjuarai Kelas H dalam Kejohanan Kebangsaan di Kuala Terengganu Disember lalu.

"Saya lebih yakin kali ini. Tetapi bimbang kecederaan kerana ia boleh menghalang persembahan yang baik," jelasnya.

Azam akan mengikuti latihan pusat kebangsaan 10 November ini, bimbingan jurulatih, Mohd Sani Murni, Yusof Darus dan Johari Ibrahim.

Katanya, mungkin banyak perubahan disegi teknik dan taktik dalam latihan pusat nanti berikutan pemilihan jurulatih baru itu.

Bagaimanapun, pesilat itu sudah lebih bersedia bagi memastikan pingat untuk negara.

Pesaka diminta selaraskan semua kejohanan silat

27 OCT 1987 **B. Harian (M)**

MENTERI Kebudayaan dan Pelancongan, Datuk Sabbaruddin Chik, mencadangkan Persekutuan Silat Kebangsaan Malaysia (Pesaka) menyelaraskan semua kejohanan silat supaya mengikut peraturan yang diiktiraf di peringkat antarabangsa. *PINAK SILAT*

"Sebagai badan yang diiktiraf oleh Persekutuan Silat Antarabangsa (Persilat), Pesaka perlu bekerja keras meningkatkan lagi mutu sukan itu.

"Masih banyak lagi kejohanan yang dianjurkan oleh badan-badan silat tidak mengikut peraturan seperti ditetapkan dan ini mendatangkan kesan negatif kepada pesilat," kata Datuk Sabbaruddin di Kota Bharu baru-baru ini.

Beliau berharap Pesaka perlu bergerak lebih cergas dan tidak hanya mengikut musim tertentu sahaja.

Sementara itu, *Harian Sukan* difahamkan Asean anjuran Persatuan Seni Silat Teriak Empat Kelantan dengan kerjasama Biro Sukan Pergerakan Pemuda Umno Bahagian Kota Bharu baru-baru ini diluar pengetahuan Pesaka.

Menteri itu kecewa kerana masih banyak kejohanan silat tidak mengikut peraturan sedangkan semua itu sudah diiktirafkan di peringkat antarabangsa.

"Ada kejohanan itu tidak mengikut berat badan bagi mengelakkan pesilat-pesilat sebaliknya dijadikan pengalaman dan tali pinggang untuk mengelakkan setiap pesilat itu," katanya.

Dalam soal ini jelasnya, memang menjadi tugas Pesaka menjelaskan peraturan kepada semua pertubuhan silat yang berminat menyertainya.